

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

**Broj: T04 0 KT 0060378 24
Zenica, 12.05.2025. godine**

**OPĆINSKI SUD U ZAVIDOVIĆIMA
Sudija za prethodno saslušanje
ZAVIDOVIĆI**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem

OPTUŽNICU

Protiv:

Đ. E., osuđivan presudom Općinskog suda u Tešnju broj: ... od 23.07.2015. godine na kaznu zatvora 2 mjeseca uslovno 1 godina, zbog KD-a „Posebni slučajevi krivotvorenja isprave“ iz čl. 374. st. 1. tačka e) KZ FBiH, presudom Općinskog suda Zavidovići broj: ...od 27.11.2018. godine na kaznu zatvora 3 mjeseca zbog KD-a „Teška krađa“ iz čl. 287. st. 1. tačka a) KZ FBiH, presudom Općinskog suda Zavidovići broj: ... od 08.09.2020. godine na kaznu zatvora 6 mjeseca uslovno 1 godina zbog KD-a „Nasilje u porodici“ iz čl. 222. st. 2. u vezi st. 1. KZ FBiH te mu se izriče sigurnosna mjera obaveznog psihijatrijskog liječenja u trajanju 1 (jedna) godina, po pravosnažnosti presude, presudom Općinskog suda Zavidovići broj: ... od 04.08.2021. godine na kaznu zatvora 3 mjeseca uslovno 1 godina zbog KD-a „Ugrožavanje sigurnosti“ iz čl. 183. st. 1. KZ FBiH, presudom Općinskog suda Zavidovići broj: ... od 08.04.2022. godine na kaznu zatvora 6 mjeseci uslovno 2 godine zbog KD-a „Nasilničko ponašanje“ iz čl. 362. st. 1. u vezi st. 1. i čl. 31. KZ FBiH, presudom Općinskog suda Zavidovići broj: ...od 25.01.2021. godine na kaznu zatvora 9 mjeseci uslovno 3 godine zbog KD-a „Oštećenje tuđe stvari“ iz čl. 293. st. 1. KZ FBiH u sticaju sa krivičnim djelom produženo krivično djelo „Teške krađe“ iz člana 287. st. 1. tačka a) KZ FBiH u vezi sa čl. 55. i čl. 54. KZ FBiH,

što je,

Dana 01.09.2024. godine oko 16,15 sati, na lokalnom putu Bistrica-Oruče, općina Maglaj upravljajući motornim vozilom marke „...“ registracijskih oznaka ... kada su ga policijski službenici Policijske stanice Maglaj H. S. i M. M. obavljajući službene radnje u okviru svojih ovlasti pokušali zaustaviti uz pomoć zvučne i svjetlosne signalizacije sa službenim vozilom kombi marke „...“ registracijskih oznaka ... zbog sprečavanja daljnjeg činjenja prekršaja iz Zakona o bezbjednosti saobraćaja na putevima u BiH i narušavanja javnog reda i mira oglušio njihovim naredbama i nastavio kretati prema mjestu O. gdje je zaustavio vozilo i isto napustio bježeći dalje pješice prema livadi, pa kada su ga gore navedeni policijski službenici sustigli na livadi i tom prilikom pokušali staviti pod kontrolu ponovno oglušio njihovim naredbama i pružajući im tom prilikom aktivan fizički otpor na način kada mu je

policijski službenik H. S. prišao kako bi ga stavio pod kontrolu istoga je otvorenim šakama gurnuo od sebe te je isti pao, pri čemu je policijski službenik zadobio lakše tjelesne ozljede, u vidu manje posjekotine malog prsta desne ruke i to razderna nagnječna rana petog prsta desne šake, te istegnuće skočnog zgloba lijeve noge, svjestan da na taj način sprječava službene osobe u vršenju službene radnje, što je i htio, a kada su ga policijski službenici H. S. i M. M. stavili pod kontrolu i vezanog sredstvima za vezivanje lisicama smjestili u zadnji dio službenog vozila za transport lica lišenih slobode istima se obratio riječima „Ubit ću vas, pobit ću vas“, te na njihov upit „Jel ti to nama prijetiš, da ćeš nas pobiti“, odgovorio „Da prijetim vam, pobit ću vas“, svjestan da na taj način ozbiljno prijeti da će napasti na službenu osobu u obavljanju poslova sigurnosti, što je i htio

Dakle, silom pokušao spriječiti službenu osobu pri obavljanju poslova javne sigurnosti pri čemu je jedna službena osoba lako tjelesno povrijeđena, te ozbiljno prijetio da će napasti službenu osobu u vršenju poslova javne sigurnosti,

Čime je počinio krivično djelo sprečavanje službene osobe u vršenju službene radnje iz člana 358. stav 3. u vezi sa stavom 1. i 2. KZ F BiH, i krivično djelo napad na službenu osobu u obavljanju poslova sigurnosti iz člana 359. stav 1. KZ F BiH, a sve u vezi sa članom 54. KZ FBiH.